

MARKAÐURINN

Miðvikudagur 20. júní 2018

23. tölublað | 12. árgangur

FYLGIRIT FRÉTTABLAÐSINS UM VIÐSKIPTI OG FJÁRMÁL



ROLEX
OYSTER PERPETUAL
LADY-DATEJUST 28



MICHELSEN
ÚRSMÍÐIR
Laugavegur 15 - 101 Reykjavík
511 1900 - www.michelsen.is



Stál í stál

Tilraunir Gamla Byrs til þess að ná sáttum við Íslandsbanka í ágreiningsmáli um virði útlánasafns sem bankinn keypti af Byr og ríkissjóði haustið 2011 hafa ekki borið árangur. Of mikið ber á milli. Stjórn Gamla Byrs segist hafa ástæðu til þess að ætla að bankinn sé að reyna að „þreyta“ kröfuhafa Byrs.

»4-5




»2
Fengið 66 milljónir á tveimur árum
Sveinn Andri Sveinsson lögmaður fékk að meðaltali fjórar milljónir á mánuði í fyrra vegna starfa sinna fyrir þrotabú heildverslunar Eggerts Kristjánssonar. Segir mikla vinnu hafa farið í að rannsaka málið.

»2
Íslenska gámafélagið sett í söluferli
Hluthafar Íslenska gámafélagsins hafa boðið allt hlutfé fyrir tækinsins til sölu. Kvika hefur umsjón með söluferlinu. Áætluð EBITDA þessa árs um 650 milljónir króna.

»6
Fordæmalausar sektarheimildir
„Það er því ljóst að fjárhæð stjórnvaldssekta sem mælt er fyrir um í hinum nýju lögum um persónuvernd er langtum hærri en það sem áður hefur þekkt í íslensku lagaumhverfi,“ segir María Kristjánsdóttir, lögmaður á LEX, í aðsendri grein.

Optical Studio
SMÁRALIND • LEIFSSTÖÐ • KEFLAVÍK



Gleraugu: G U C C I
Módel: Kolfína Nikulásdóttir



Velta Íslenska gámafélagsins hefur nærri tvöfaldast frá 2012.

Bjóða allt hlutafé Íslenska gámafélagsins til sölu

Hluthafar Íslenska gámafélagsins, eignarhaldsfélagið Gufunes og fagfjárfestastjódurinn Auður I hafa ákveðið að bjóða til sölu allt hlutafé félagsins. Það er fyrirtækjaráðgjöf Kviku banka sem hefur umsjón með söluferlinu en í stuttri fjárfestakynningu, sem Markaðurinn hefur undir höndum, kemur fram að áætlað sé að velta fyrirtækisins á þessu ári verði um 4,9 milljarðar króna og hagnaður fyrir fjármagnsliði, afskriftir og skatta (EBITDA) um 650 milljónir.

Formlegt söluferli hófst í byrjun þessa mánaðar en gert er ráð fyrir að fyrstu óskuldbindandi tilboðin berist frá fjárfestum á fyrri helmingi júlímánaðar.

Aðalstarfsemi Íslenska gámafélagsins er almenn sorphirða og útleiga á gámum, bifreiðum og tækjum. Viðskiptavinir fyrirtækisins eru 4.500 talsins og samanstanda af 2.800 fyrirtækjum og stofnunum, 1.700 einstaklingum og 23 sveitarfélögum. Allt hlutafé Vélamiðstöðvarinnar, dóttur-

félags Íslenska gámafélagsins, er jafnframt til sölu en samtals starfa um 300 manns hjá fyrirtækjunum.

Íslenska gámafélagið er í jafnri eigu Gufunes ehf. og Auðar I en stærsti hluthafi Gufunes er Jón Þórir Frantzon, sem er jafnframt stjórnarformaður Íslenska gámafélagsins.

Í fjárfestakynningunni kemur fram að frá árinu 2012 hafi velta félagsins nærri tvöfaldast og nemur árlegur vöxtur að meðaltali um 10,7 prósentum. Þá hefur EBITDA félagsins þrefaldast yfir sama tímabil og er gert ráð fyrir að EBITDA sem hlutfall af tekjum verði um 13 prósent á þessu ári.

Efnahagsreikningur Íslenska gámafélagsins hefur stækkað mjög á síðustu árum samhliða auknum umsvifum og endurnýjun á bifreiðum og flutningatækjum. Heildareignir í árslok 2017 námu 5,5 milljörðum. Nettó skuldir félagsins voru um 2,8 milljarðar og eigið fé nam 1,7 milljörðum. – hae

Georg keypti íbúðir metnar á þrjá milljarða

Georg Gíslason hefur keypt leigu-félagið Velli 15 sem á um 180 íbúðir sem metnar eru á um þrjá milljarða í bókum félagsins. Seljendur voru ODT Ráðgjöf, sem er í eigu Ólafs D. Torfasonar, stofnanda Íslandshótel, með 58 prósent hlut og Íslandshótel með 42 prósent hlut, samkvæmt heimildum Markaðarins.

Georg er bróðir Rúriks, landsliðsmanns í knattspyrnu en hann fjárfesti einsamall í leigufélaginu. Hann hefur um árabíl rekið fyrirtækið Vegamálun sem malar merkingar á vegi og götur.

Vellir 15 á um 180 íbúðir en um 70 prósent þeirra eru á höfuðborgarsvæðinu, einkum í Vallahverfinu í Hafnarfirði, að því er fram kom í Markaðnum í haust. Samkvæmt

70%

íbúðanna eru staðsettar á höfuðborgarsvæðinu

ársreikningi voru fasteignir félagsins metnar á 3,1 milljarð króna árið 2017 og eigið fé var 960 milljónir króna. Eiginfjárlutfallið var 30,5 prósent. Tekjurnar jukust um fjórðung á milli ára og námu 211 milljónum króna. Vöxtinn má rekja til kaupa á tveimur fasteignafélögum. Vellir 15 tapaði 34 milljónum í fyrra og 29 milljónum árið áður. Fyrirtækjaráðgjöf Kviku annaðist söluna. – hvj

Sjónvarpsdreifikerfi fyrir hótél, gistiheimili og skip.

ÖREIND – Tengir þig við framtíðina!

Auðbrekku 3 • Kópavogur • s. 564 1660
oreind@oreind.is • www.oreind.is

sart SAMTÖK RÁPVERKTAKA

Skriptastjóri hefur fengið 66,5 milljónir

Sveinn Andri Sveinsson lögmaður fékk að meðaltali fjórar milljónir króna á mánuði í fyrra vegna starfa sinna fyrir þrotabú heildverslunar Eggerts Kristjánssonar. Hann segir að mikil vinna hafi farið í að rannsaka málið. Þrjú riftunarmál liggi fyrir hjá dómstólum.

Sveinn Andri Sveinsson lögmaður þáði 66,5 milljónir króna án virðisaukaskatts í þóknun á árunum 2016 og 2017 fyrir störf sín sem skriptastjóri heildverslunarinnar Eggerts Kristjánssonar. Með virðisaukaskatti var fjárhæðin 82,5 milljónir króna. Hann fékk 16,8 milljónir króna án virðisaukaskatts árið 2016 og 49,7 milljónir ári síðar. Árið 2017 innheimti hann því að meðaltali um 4,1 milljón króna á mánuði vegna starfa sinna fyrir þrotabú.

Kostnaður við gjaldþrotaskiptin nemur orðið 98 milljónum króna án virðisaukaskatts en þar er meðtalin aðkeypt vinna sérfræðinga eins og í endurskoðun og lögum. Þrotabúð er enn í skiptameðferð og nema kröfur 285,5 milljónum króna. Þetta kemur fram í skýrslu skiptastjóra sem Markaðurinn hefur undir höndum. Nafni félagsins var breytt í EK1923 við gjaldþrotið.

Þrjú lögmenn kröfuhafa þrotabús heildverslunarinnar létu bóka að þeir áskilji sér rétt til þess að bera skiptakostnað undir héraðsdóm. Tveir þeirra óskuðu eftir tímaskýrslum Sveins Andra. Þetta kemur fram í endurríti úr gerðabók skiptastjóra sem Markaðurinn hefur einnig undir höndum.

Fimm gerðu ekki athugasemdir Sveinn Andri segir í samtali við Markaðinn að hinir fimm lögmennirnir sem mættu á fundinn fyrir hönd kröfuhafa hafi ekki gert athugasemdir við kostnað varðandi gjaldþrotaskiptin. Eins séu til nákvæmar tímaskýrslur vegna vinnunnar. „Það hefur farið mikil vinna í að rannsaka fjármál þrotabúsins, enda hafa fyrrverandi stjórnendur reynt eftir megni að hylja slóð fjármuna frá búinu skömmu fyrir þrot. Endurkrafta á ríkið vegna tollkvóta að fjárhæð 14 milljónir hafði verið framseld til systurfélags og 21 milljón króna tekin af bankabók félagsins skömmu fyrir gjaldþrot. Loks voru flóknir gerningar með fasteign félagsins, þar sem eftirstöðvar kaupsamnings voru strikaðar út með seinni tíma skiptingarætlun. Það var bæði kaupsamningur um hana og einnig skiptingarætlun. Næstu



Sveinn Andri Sveinsson skriptastjóri segir horfur vera „nokkuð góðar“ með endurheimtur kröfuhafa. MYND/GVA

» **Kostnaður við gjaldþrotaskiptin nemur orðið 98 milljónum króna án virðisaukaskatts en þar meðtalin er aðkeypt vinna sérfræðinga eins og í endurskoðun og lögum.**

skref mín voru að rifta þessum þrennum viðskiptum og eru þau mál fyrir dómstólum. Einnig voru lagðar fram kærur á hendur eiganda og stjórnendum hjá honum fyrir undanskot fjármuna. Ég hef notið stuðnings kröfuhafa í öllum þeim málum,“ segir hann.

Skúli Gunnar Sigfússon, stofnandi Subway á Íslandi og fyrrverandi aðaleigandi Eggerts Kristjánssonar, hefur ásamt viðskiptafélögum sínum kært Svein Andra til héraðs-saksóknara fyrir meintar ólögmetar þvinganir og rangar sakargiftir.

Úttektina af bankareikningi heildsölnunnar má rekja til milli-færslna frá og til Sjóstjórnunnar vegna fjármuna sem nýttir voru sem handveð fyrir húsaleiguabýrgð frá Íslandsbanka. Þegar annað félag tók húsnæðið á leigu féll ábyrgðin niður og fjárhæðin var millifærð aftur á Sjóstjórnuna. Skriptastjóri segir í skýrslunni að fjárhæðin hafi ekki verið afmörkuð með neinum hætti

og því um hefðbundið viðskiptalán að ræða.

Sveinn Andri segir að þrotabúð hafi unnið málið er varðaði tollkvótann fyrir Héraðsdómi en því hafi verið áfrýjað til Landsréttar. Málið verði tekið fyrir í haust. Málin er varða bankabókina og fasteignina hafi verið sameinuð máli þar sem eignir Skúla Gunnars hafi verið kyrrsettar. Málið verði tekið fyrir í september. Eignir hafi verið kyrrsettar fyrir rúmlega 400 milljónir króna.

Sveinn Andri segir horfur vera „nokkuð góðar“ með endurheimtur kröfuhafa. „Ef þrautavarakraftan er varðar fasteign félagsins verður samþykkt, dugir það til að greiða upp allar kröfur.“ Höfuðstóll kröfu til þrautavara sé 222 milljónir króna en 300 milljónir króna með dráttarvöxtum.

Strembinn rekstur frá 2010

Rekstur Eggerts Kristjánssonar hafði verið strembinn frá árinu 2010 og heildsalan varð gjaldþrota árið 2016. Heildsalan hafði meðal annars umboð fyrir Findus. Skúli Gunnar keypti heildverslunina í lok árs 2013 ásamt öðrum fyrir 260 milljónir króna, samkvæmt skýrslu skiptastjóra. Samlegð átti að nást með samstarfi Subway og Eggerts Kristjánssonar. Dreifikerfi heildverslunarinnar var nýtt til að dreifa matvælum á Subway-staði. helgivifill@frettabladiid.is

Afkoma álversins í Straumsvík batnar

Álver Rio Tinto Alcan í Straumsvík tapaði tæpum 393 þúsund dólum eða sem jafngildir 43 milljónum króna í fyrra, samkvæmt nýbirtum ársreikningi félagsins. Afkoman batnaði á milli ára, þrátt fyrir taprekstur, en álverið skilaði tapi upp á 34 milljónir dala árið 2016.

Í skýrslu stjórnar félagsins, Rio Tinto á Íslandi hf., segir að markaðs-aðstæður hafi haldið áfram að batna á árinu og verð á afurðum hækkað jafnt og þétt. Það hafi leitt til metframleiðslu en framleiðsla kerskála var í heild sinni 211.534 tonn á árinu og jókst um sex þúsund tonn frá fyrra ári.



Rannveig Rist, forstjóri Rio Tinto Alcan á Íslandi.

Álverið í Straumsvík skilaði rekstrarhagnaði upp á 619 þúsund dali í fyrra borið saman við 47 milljóna dala rekstrartap árið 2016.

Eignir félagsins námu 588 milljónum dala í lok síðasta árs en þær voru 707 milljónir dala í lok árs 2016. Eigið fé var 518 milljónir í lok árs 2017. Þá var fjöldi ársverka 399 á árinu samanborið við 416 árið 2016.

Sem kunnugt er gerði norskri álframleiðandinn Norsk Hydro kaup-tilboð í álver Rio Tinto í Straumsvík í febrúar síðastliðnum. Er gert ráð fyrir að kaupin gangi í gegn undir lok þessa mánaðar, að því er segir í ársreikningnum. – kj



OKKAR SÝN Á LÚXUS

Volvo XC90 AWD er skandínávískur lúxus.
Rómaður snertiskjárninn, mögnuð sætin,
há sætisstaðan og einstök veghæðin
endurspeglar sænska natni við smáatriði.
Aflið og mýktin ásamt einstöku öryggi,
Volvo öryggi, sýna vel sænska snilli
bílahönnuða Volvo.

SJÖ SÆTA
LEÐURINNRETTING
VÉLARHITARI MEÐ TÍMASTILLI
RAFDRIFIN OPNUN Á AFTURHLERA
NÁLÆGDARSKYNJARI AÐ FRAMAN OG AFTAN
VERÐ FRÁ 8.590.000 KR

KOMDU Í BRIMBORG OG REYNSLUAKTU
VOLVO XC90 AWD



Öruggur staður til að vera á

Brimborg Reykjavík
Bíldshöfða 6 · Sími 515 7000

Brimborg Akureyri
Tryggvabraut 5 · Sími 515 7050

volvocars.is



Birna Einarsdóttir, bankastjóri Íslandsbanka, og Jón Guðni Ómarsson fjármálastjóri. Stjórn Gamla Byrs gagnrýnir framgöngu bankans harðlega og segir að svo virðist sem bankinn sé að reyna að „þreyta“ kröfuhafana sem eru að stórum hluta austurrískir og þýskir bankar og sparisjóðir. Vaxandi óþreyju gætir á meðal kröfuhafanna sem vilja ljúka slitameðferðinni sem fyrst. FRÉTTABLAÐIÐ/VILHELM

Sáttaviðræðurnar fóru út um þúfur

Sáttaviðræður Gamla Byrs og Íslandsbanka fóru út um þúfur. Of mikið ber á milli og telur stjórn Gamla Byrs „óraunsætt“ eins og sakir standa að deilendur nái sáttum. Stjórnin sakar bankann um að reyna að „þreyta“ kröfuhafa Byrs. E&Y hefur verið stefnt í málinu.

Kristinn Ingi Jónsson
kristinningi@frettabladid.is
Hörður Ægisson
hordur@frettabladid.is



7,7

milljarðar króna, auk vaxta, er fjárhæð skaðabóta-kröfu Íslandsbanka á hendur Gamla Byr og ríkissjóði.

» Í bréfi stjórnar Gamla Byrs til kröfuhafa segist stjórnin hafa ástæðu til að ætla að Íslandsbanki sé að reyna að „þreyta“ kröfuhafana og neyða þá til þess að gangast undir sátt sem sé í engu samræmi við staðreyndir málsins.

Tilraunir Gamla Byrs, sem lauk nauðasamningum í janúar árið 2016, til þess að ná sáttum við Íslandsbanka í ágreiningsmáli um virði útlánasafns sem bankinn keypti af Byr og ríkissjóði haustið 2011 hafa ekki borið árangur og telur stjórn Gamla Byrs „óraunsætt“ eins og sakir standa að deilendur komist að samkomulagi sem báðir geti sætt sig við.

Mikið ber á milli Byrs og bankans, samkvæmt heimildum Markaðarins, og er bilinu lýst sem nær óbrúanlegu.

Í bréfi sem stjórn Gamla Byrs sendi kröfuhöfum 12. júní síðastliðinn og Markaðurinn hefur undir höndum segist hún hafa ástæðu til þess að ætla að Íslandsbanki sé að reyna að „þreyta“ kröfuhafana og neyða þá til þess að gangast undir sátt sem sé í engu samræmi við staðreyndir málsins.

Gamli Byr hefur jafnframt stefnt Ernst & Young til réttargæslu í skaðabótamáli bankans gegn Byr og fjármála- og efnahagsráðuneytinu, sem rekið er fyrir Héraðsdómi Reykjavíkur, í því skyni að styrkja varnir Byrs í málinu og enn fremur veita endurskoðunarfyrtækinu tækifæri til þess að verjast mögulegri skaðabótakröfu af hálfu Byrs.

Ákveðið var að stefna endurskoðunarfyrtækinu, sem er nú endurskoðandi Íslandsbanka, í kjölfar þess að tveir dómkvaddir

matsmenn létu í ljós það álit sitt að reikningar sparisjóðsins áður en kaupin gengu í gegn, sem sérfræðingar Ernst & Young endurskoðuðu, hafi ekki verið í samræmi við alþjóðlega reikningsskilastaðla. Gamli Byr hefur ekki enn getað greitt stöðugleikaframlag til íslenska ríkisins sem yrði að óbreyttu rúmlega tveir milljarðar króna. Heildareignir slitabúsins, sem eru í formi innstæðna á banka-reikningum og í peningamarkaðs-

sjóðum, nema um 7,8 milljörðum króna en samkvæmt stöðugleikaskilyrðum ber búinu að greiða 26 prósent af eignunum í stöðugleikaframlag.

Edda Hermannsdóttir, samskiptastjóri Íslandsbanka, segir að málarekstur bankans gegn Gamla Byr sé á forræði dómstóla og bankinn ætli ekki að tjá sig sérstaklega um meiningar Gamla Byrs á framgangi þess.

Íslandsbanki, sem er alfarið í eigu ríkisins, telur að ofmat á verðmæti lánasafnsins sem bankinn keypti af Byr og ríkissjóði haustið 2011 hafi valdið bankanum fjártjóni og hefur krafist þess að seljendurnir greiði bankanum skaðabætur upp á 7,7 milljarða króna auk vaxta. Bankinn borgaði samtals 6,6 milljarða króna á sínum tíma fyrir allar eignir Byrs.

Skili matsgerð í nóvember

Íslandsbanki fékk í maímánuði árið 2014 dómkvadda tvo matsmenn, löggiltu endurskoðendurna Lúðvík Karl Tómasson og Maríu Sólbergdóttur, til þess að meta meint fjártjón bankans. Þau eru enn að störfum og gera ráð fyrir að skila matsgerð sinni 15. nóvember næstkomandi. Gamli Byr hefur krafist þess að máli bankans verði vísað frá dómi hið fyrsta en bankinn hefur hins vegar sagst vilja bíða eftir því að hinir dómkvöddu matsmenn ljúki verki sínu áður en krafa um frávisun verði tekin fyrir.

Landsréttur staðfesti í síðustu viku úrskurð héraðsdóms þar sem tekið var undir með bankanum og fallist á kröfu hans um að fresta flutningi á frávisunarkröfu Gamla Byrs þar til umrædd matsgerð liggur

Afskrift viðskiptavildar lækkaði skattgreiðslur bankans

Afskrift Íslandsbanka á tæplega 17,8 milljarða króna viðskiptavild Byrs á seinni hluta árs 2011 lækkaði skattgreiðslur bankans verulega og þykir skjóta skökku við í ljósi yfirlýsinga bankans um þann ávinning sem fólst í yfirtöku hans á sparisjóðum.

Í greinargerð sem Gamli Byr lagði fyrir héraðsdóm í byrjun ársins og Markaðurinn hefur undir höndum er bent á að auk þess að lækka skattgreiðslur bankans hafi afskriftin jafnframt leitt til þess að kaup á hlutafé Byrs sýndu reikningslega neikvæða niðurstöðu fyrir bankann þar sem yfirteknar skuldir, fyrst og fremst innlán, hafi orðið hærri en verðmæti eignanna sem keyptar voru.

Er tekið fram í greinargerðinni að ef viðskiptavildin hefði ekki verið virðisrýrð, heldur staðið óbreytt í reikningum Íslandsbanka, þá hefði ekkert tjón orðið. Hið meinta tjón, sem bankinn telur sig hafa orðið fyrir, sé „framkallað með einhliða ákvörðun“ bankans um að virðisrýra að fullu keypta viðskiptavild.

Af yfirlýsingum bankans í aðdraganda kaupanna og ekki síður eftir kaupin – um þann ávinning sem fólst í þeim – sé augljóst að raunveruleg viðskiptavild hafi verið fólgin í yfirtökunni á Byr.

fyrir en þó ekki lengur en til 15. nóvember. Var tekið fram í dómi Landsréttar að þó svo að Gamli Byr hafi „ríka hagsmuni“ af því að meðferð málsins sé hraðað eins og kostur er, þá verði að líta til þess að matsgerð Íslandsbanka sé ætlað að treysta grundvöll kröfu bankans. Bankinn hafi „brýna hagsmuni“ af því að afla sér slíkrar sönnunar áður en frávisunarkrafa Gamla Byrs verði tekin fyrir.

Of mikið bar á milli

Í áðurnefndu bréfi stjórnar Gamla Byrs, sem Gunnar Þór Þórarinnsson, stjórnarformaður Byrs og einn eigenda lögmannsstofunnar Logos, skrifar undir, er bent á að málarekstur bankans hafi tafið lok slitameðferðar félagsins – og kostað þannig kröfuhafa þess tíma og fjármuni – og af þeim sökum hafi félagið reynt að leita sátta við bankann.

Rakið er að þrátt fyrir að Gamli Byr haldi fast við þá skoðun sína að kröfur Íslandsbanka séu ekki á rökum reistar, þá hafi félagið skyldum að gegna gagnvart kröfuhöfum sínum og verði því að kanna til þrautar hvort lausn geti fundist á deilunni utan veggja dómsala. Fulltrúar Byrs hafi átt „uppbyggileg“ samtöl við bankann og lögmann hans, Andra Arnason, og rætt ýmsar „tölur“ á nokkrum sáttafundum frá því í október 2017 til janúar 2018. Hins vegar hafi fljótlega orðið ljóst að of mikið bar á milli og því hafi viðræðurnar farið út um þúfur. Er tekið fram að „nýleg, óformleg samskipti“ við bankann hafi – eins og sakir standa – ekki aukið líkurnar á því að sáttir náist.

Í kjölfar þess að sáttatilaunin

rann út í sandinn lagði Gestur Jónsson, lögmaður Gamla Byrs, fram greinargerð Byrs í skaðabótamálinu og krafðist þess að kröfu Íslandsbanka yrði vísað frá dómi, eins og áður sagði.

Samkvæmt heimildum Markaðarins var áætlað að ríkið myndi fá – á grundvelli sáttatillögu Gamla Byrs – um þrjú milljarða króna í sinn hlut. Slík greiðsla hefði þá verið þriðjætt: í formi stöðugleikafamlags, eins konar lausnargjalds til Íslandsbanka og útgreiðslu til bankans sem kröfuhafi í slitabúinu, en Íslandsbanki á um átta prósent krafna í Gamla Byr.

Í bréfi stjórnar Gamla Byrs er því jafnframt lýst yfir að vegna þess kostnaðar sem málarekstur Íslandsbanka hefur valdið kröfuhöfum ihugi félagið nú að krefja bankann skaðabóta.

Er það mat lögmannsins, að því er fram kemur í bréfinu, að laga-leg staða félagsins sé sterk en hins vegar ríki óvissa um hver niðurstaða matsmannanna verður. Það sé annars vegar vegna þess að „náð samband“ sé á milli matsmannanna og Íslandsbanka, en rætt er um „slag-síðu“ í því sambandi, og hins vegar vegna þess að bankinn hafi orðið uppvís að því að afhenda matsmönnum rangar upplýsingar um tryggingar og greiðsluflæði þeirra lána sem þeim er ætlað að gefa álit á til þess að meta hið meinta fjárfjón bankans.

Stjórn Gamla Byrs bendir þó á að félagið geti ávallt, að fengnu undir-mati, krafist yfirmats. Gallinn sé hins vegar sá að málareksturinn myndi þá tefjast enn frekar, kröfuhöfum til tjóns, en talið er að hann geti tekið alls tvö til þrjú ár til viðbótar.

Stjórnin leggur til að málarekstrinum verði haldið áfram með það að augnamiði að annaðhvort fá skaðabótakröfu bankans vísað frá dómi eða verjast henni með efnislegum hætti. Félagið eigi þó áfram að vera „opið fyrir hugmyndum“ um að ná sáttum á „skynsamlegum“ kjörum.

Ríkið fær ekki sitt í bráð

Er jafnframt bent á í bréfinu að Byr geti ekki, á grundvelli fyrir-liggjandi nauðasamnings og eins og kröfugerð bankans er háttað, greitt kröfuhöfum út þá fjármuni sem liggja inni í félaginu á meðan ágreiningurinn við bankann er enn óleystur.

Þá hefur Byr ekki getað innt af hendi stöðugleikaframlag sitt til íslenska ríkisins sem er áætlað að eigi að óbreyttu að verða rúmlega tveir milljarðar króna, líkt og upplýst var um í Markaðinum í apríl síðastliðnum.

Viðmælendur Markaðarins, sem þekkja vel til stöðu mála, segja það skjóta skökku við að banki í eigu ríkisins komi í veg fyrir að slitabú sem hafi klárað nauðasamninga geti lokið slitameðferð sinni, átta árum eftir að sparísjóðurinn var tekinn til slíta, og greitt út til kröfuhafa. Er í því sambandi bent á að Gamli Byr sé eina slitabú sem gekkst undir stöðugleikaskilyrði sem hefur enn ekki hafið útgreiðslu til kröfuhafa.

Þá sé ríkið auk þess að vinna óbeint gegn hagsmunum sjálfs sín með því að hindra að Byr geti greitt því stöðugleikaframlag.

Matsmennirnir víki sæti

Lögmaður Byrs hefur enn fremur krafist þess að dómkvöddu matsmennirnir tveir víki sæti. Sú krafa er fyrst og fremst byggð á þeim þóknunum sem Íslandsbanki hefur greitt matsmönnum, en þær nema samtals yfir eitt hundrað milljónum króna, og til viðbótar á því nána sambandi sem Byr telur að sé á milli matsmannanna og bankans.

Tekid er fram að annar matsmaðurinn dvelji á Möltu, þar sem hann starfi fyrir alþjóðlegt stórfyrirtæki, en hinn sé hér á landi, sinni matsvinnunni meðfram öðrum störfum og nýti sér aðstöðu sem Íslandsbanki útvegar. Spurningar hafi vaknað um hvort matsmennirnir geti varið tíma sínum og kröftum í



Hækkuðu verulega í virði eftir yfirtöku Íslandsbanka á Byr

Virði nokkurra eignarhluta sem Íslandsbanki eignaðist við yfirtökuna á Byr haustið 2011 hefur aukist verulega á undanföllum árum, samkvæmt mati ráðgjafarfyrirtækisins Calco Consulting sem Markaðurinn hefur undir höndum. Gamli Byr telur að virðisaukning eignarhlutanna geti sennilega ein og sér réttlætt kaupverðið en bankinn greiddi alls um 6,6 milljarða króna fyrir allar eignir og skuldir Byrs.

Byr átti meðal annars 22 prósent hlut í Borgun við yfirtöku Íslandsbanka sem var metinn á um 446 milljónir í lok júní 2011. Eigið fé – og þar með virði – kortarfyrirtækisins hefur aukist verulega eftir að bankinn eignaðist hlutinn en samkvæmt útreikningum Calco hefur verðmæti 22 prósent hlutarins skapað Íslandsbanka verðmæti sem liggja á bilinu 3,2 til 4,5 milljarðar króna. Miðað við 10 prósent ávöxtun er umframvirði hlutarins á bilinu 2 til 3,7 milljarðar eða sem nemur allt að helmingi af meintu fjárfjóni Íslandsbanka.

Sparísjóðurinn átti auk þess 7,2 prósent hlut í öðru kortarfyrirtæki, Valitor Holding, sem var metinn á 664 milljónir í lok júní 2011. Miðað við 10 prósent ávöxtun og margfaldarann 1,88 af bókfærðu virði er umframvirði eignarhlutarins nú um 1,1 milljarður.

svo flókið og margslungið verkefni.

Byr bendir einnig á að þóknunargreiðslurnar séu „afar óvenjulegar“ og auk þess séu „réttmætar áhyggjur“ af því að miklar tafir á vinnu matsgerðarinnar og „óhöflegar“ greiðslur muni auka hættuna á því að bankinn hafi áhrif á hlutleysi matsmannanna.

Í ljósi þess hve flókið málið er telur Gamli Byr að hætta sé á því að niðurstaða matsmannanna geti haft áhrif á dómara málsins. Af þeim sökum vilji félagið einblína á að draga réttmæti matsgerðarinnar í efa, bæði með því að benda á slag-síðu matsmannanna og efnisatriði matsins.

Í því sambandi bendir stjórn Byrs á að matsgerðin muni koma að mjög takmörkuðum notum sem sönnunargagn í skaðabótamálinu. Spurningar Íslandsbanka, matsbeiðandans, séu í fyrsta lagi stórgalladar, í öðru lagi sé hætta á því að matsmennirnir séu ekki hlutlausir í störfum sínum og í þriðja lagi sé matsgerðinni ekki ætlað að meta raunverulegt tap Íslandsbanka af þeim lánnum sem fylgdu með í kaupunum við yfirtöku bankans á Byr.

Forviða kröfuhafar

Kröfuhafar Byrs eru sagðir forviða á vinnubrögðum Íslandsbanka, að sögn þeirra sem þekkja vel til málsins. Austurrískir og þýskir bankar og sparísjóðir, sem eru upprunalegir

3,7

milljarðar króna er líklegt umframvirði 22 prósent eignarhlutarins sem Íslandsbanki eignaðist við yfirtökuna á Byr

Calco telur einnig að líklegt umframvirði Íslandsbanka vegna fasteignarinnar að Borgartúni 18, sem áður hýsti höfuðstöðvar Byrs, sé á bilinu 140 til 240 milljónir króna miðað við 10 prósent ávöxtun. Bankinn eignaðist fasteignina við yfirtökuna á Byr en seldi hana Arion banka árið 2013.

Til viðbótar eignaðist Íslandsbanki að fullu Hring, móðurfélag Allianz á Íslandi, í kjölfar kaupanna á Byr. Í ársreikningi sparísjóðsins fyrir árið 2010 var mismunur á milli eigna og skulda Hringis um 405 milljónir sem var bókfært virði félagsins, samkvæmt mati Calco, nær 2,5 til 5 milljörðum króna en matið byggist meðal annars á arðgreiðslum félagsins til bankans sem námu að meðaltali um 105 milljónum króna á ári á árunum 2011 til 2016.

lánveitendur sparísjóðsins, eiga um 60 prósent krafanna, íslenskir lífeyrissjóðir um 22 prósent og þá á Íslandsbanki sjálfur um 8 prósent. Að auki gæti nokkurrar óánægju innan fjármálaráðuneytisins með framgöngu bankans.

Kröfuhafarnir eru sagðir lengst af hafa sýnt því skilning að bankinn eigi rétt á því að bera ágreining sinn undir dómstóla enda þótt þeir hafi undrast málalíbúnaðinn. Það eigi ekki sist við með hlidsjón af því að stór fjármálastofnun eins og Íslandsbanki, sem gerði eigin áreiðanleikakönnun við kaup á mun minna fjármálafyrirtæki, skuli krefjast skaðabóta með þeim rökum að virði útlánasafns, sem var yfirtekið skömmu eftir fordæmalaust fjármála- og efnahagshrun, hafi ekki verið í samræmi við væntingar.

Steininn hafi hins vegar tekið úr síðasta sumar þegar uppvíst varð um ranga upplýsingagjöf Íslandsbanka sem hefði getað leitt til þess að bankinn hefði auðgast með ölögmætum hætti á kostnað annarra kröfuhafa og hluthafa Gamla Byrs. Eins og greint var frá í ViðskiptaMogganum í mars síðastliðnum lagði bankinn fyrir matsmennina gögn sem gáfu til kynna að 993 lán sem hann tók yfir með kaupunum hefðu verið án trygginga. Í ljósi hafi hins vegar komið að tryggingar lágu að baki nær öllum lánunum.

Samgöngu- þing 2018

21. júní í Súlusal Hótel Sögu

Samgönguáætlun 2019–2033



DAGSKRÁ

13:00 SETNING

Sigurður Ingi Jóhannsson, samgöngu- og sveitarstjórnarráðgjafi
Samgönguáætlun 2019–2033 – staða og helstu áherslur
Þórunn Egilsdóttir, formaður samgönguráðs

13:20 FRAMKVÆMDIR

Áskoranir, framkvæmdir og fjármögnun
Sigurður Ingi Jóhannsson, samgöngu- og sveitarstjórnarráðgjafi
Skattstofnar ökutækja og eldsneytis – framtíðaráskoranir
Benedikt S. Benediktsson, sérfræðingur í fjármála- og efnahagsráðuneyti

Umræður: Ásdís Kristjánsdóttir, forstöðumaður efnahagsviðs SA, og Runólfur Ólafsson, framkvæmdastjóri FIB

14:20 Kaffihlé

14:40 ÞJÓNUSTA

Almenningssamgöngur – ávinningur af heildstærri stefnu
Árni Freyr Stefánsson, verkfræðingur hjá Mannviti

Umræður: Jóna Árný Þórðardóttir, framkvæmdastjóri Austurbrúar, Páll S. Brynjarsson, framkvæmdastjóri SSV, og Þorsteinn R. Hermannsson, samgöngustjóri Reykjavíkurborgar

15:20 ÖRYGGI

Umferðaröryggi og samfélagslegur kostnaður
Berglind Hallgrímsdóttir, umferðarverkfræðingur hjá Eflu
Ástandið í umferðinni og ávinningur af sýnilegu eftirliti
Oddur Árnason, yfirlöggreglupjónn á Selfossi

Umræður: Sigríður Vala Halldórsdóttir, forstöðumaður hagdeildar hjá Sjóvá, og Haraldur Sigþórsson, verkfræðingur

16:00 TÆKNI

Upplýsingatækni, iðnbylting og samgöngur: Hvaða möguleikar skapast í samgöngum með nýrri tækni 4. iðnbyltingarinnar
Ari Kristinn Jónsson, rektor Háskólans í Reykjavík

Umræður: Lilja G. Karlsdóttir, framkvæmdastjóri Viaplan, og Hrafnkell V. Gíslason, forstjóri Póst- og fjarskiptastofnunar

16:30 Léttara hjal með Sóla Hólm, þinglok og léttar veitingar

Þingstjóri: Ragnhildur Hjaltadóttir, ráðuneytisstjóri.
Þingið er öllum opið en þátttakendur eru beðnir að skrá sig með tölvupósti, netfang: kristin.hjalmarsdottir@srn.is



SAMGÖNGU- OG
SVEITARSTJÓRNARRÁÐUNEYTIÐ

ERTU Í LEIT AÐ DRAUMASTARFINU?



Finndu þitt starf á atvinna.frettabladid.is

FRÉTTABLAÐIÐ IS Job.is

Skotsilfur



Dagný stjórnarformaður

Dagný Hrönn Pétursdóttir, sem starfaði um árabíl sem framkvæmdastjóri Bláa lónsins, tók nýverið við starfi stjórnarformanns í verðbréfafyrirtækinu Íslenskum fjárfestum. Með henni í stjórn sitja lögmennirnir Ingunn Agnes Kro og Jóhannes Árnason en sú fyrrnefnda er sem kunnugt er framkvæmdastjóri skrifstofu- og samskiptasviðs Skeljungs. Fjármálaeftirlitið heimilaði nýverið eignarhaldsfélagi Hannesar Árdal, framkvæmdastjóra Íslenskra fjárfesta, að fara með yfir 50 prósentu virkan eignarhlut í félaginu. Auk hans starfa þeir Sigurður Hreiðar Jónsson og Tómas Karl Aðalsteinsson hjá félaginu sem sérhæfir sig í miðlun verðbréfa.



Ekki léttvægar ásakanir

Óhætt er að segja að ummæli **Ágústs Ólafs Ágústssonar**, þingmanns Samfylkingarinnar, í umræðuþætti Íslandsbanka og Viðskiptaráðs Íslands í síðustu viku hafi vakið athygli. Ágúst Ólafur sagði það „hneyksli“ hve mörg samkeppnisbrotamál kæmu upp hér á landi og staðhæfði auk þess að „nánast öll þau fyrirtæki sem við þurfum að leita til hafa með einum eða öðrum hætti brotið samkeppnislög“. Þetta eru ekki léttvægar ásakanir af hálfu þingmannsins sem var um tíma efnahagsráðgjafi þáverandi forsætisráðherra, Jóhönnu Sigurðardóttur, og bankaráðsmaður í Seðlabankanum. Ekki kæmi á óvart þótt fólk í atvinnulífinu hugsaði honum þegjandi þörfina.



Bætur við sig í Kviku

Nokkrar hreyfingar hafa verið á hluthafahópi Kviku banka undanfarnar vikur. Þannig hefur **Sigurður Bollason** fjárfestir bætt við hlut sinn í fjárfestingarbankanum í gegnum félagið RES II og nemur hluturinn nú ríflega 9,5 prósentum. Á sama tíma hefur Guðmundur Steinar Jónsson, sem er gjarnan kenndur við útgerðarfélagið Sjólaskip, selt um 1,1 prósent hlut sinn í bankanum en eftir söluna á hann um 3,9 prósent.



Fullir vasar



Björn Berg Gunnarsson fræðslustjóri Íslandsbanka

Arón Can sendi á dögunum frá sér frábæra hljómplötu, Trúpítar. Reikna má með að hún verði ein vinsælasta plata ársins en frá því hún kom út fyrir

Enn eitt flugfélagið lýsir yfir áhuga á Norwegian



Hlutabréf í Norwegian Air hækkuðu um tíu prósent í verði eftir að forstjóri keppinautarins Lufthansa sagði að félag sitt hefði áhuga á því að kaupa norska flugfélagið. Forstjórinn, Carsten Spohr, sagði að fram undan væri hrina sameininga á evrópskum flugmarkaði. Allir væru að tala við alla. Nokkur flugfélög hafa lýst yfir áhuga á því að kaupa félagið en stjórn Norwegian hefur þegar hafnað tveimur yfirtökutilboðum IAG, eiganda British Airways. NORDICPHOTOS/GETTY

Fordæmalausar sektarheimildir



Maria Kristjánsdóttir, lögmaður á LEX.

Eitt af síðustu verkum Alþingis þann 13. júní 2018 áður en þingmenn héldu í sumarfrí var að samþykka ný lög um persónuvernd og vinnslu persónuupplýsinga. Frumvarpið var keyrt í gegnum Alþingi á miklum hraða á síðustu dögum þingsins, sem er sérstakt og í raun gagnrýniveri í ljósi þess um hversu veigamiklið og flókið mál er að ræða. Með lögnum er ný persónuverndarreglugerð Evrópusambandsins innleidd í íslensk lög, en reglugerðin felur í sér umfangsmestu breytingar sem gerðar hafa verið á þessu réttarsviði í tvo áratugi og markar því mikilvæg tímamót. Ein veigamesta nýjungin eru stóruauknar valdheimildir sem Persónuvernd eru fengnar í hendur í tengslum við viðurlög við brotum á ákvæðum laganna. Þau viðurlög sem kveðið er á um í nýju lögnum eru stjórnvalds-

sektir og refsingar, en að auki er heimilt að beita dagsektum í ákveðnum tilvikum. Helsta nýmæli laganna hvað þetta varðar er heimild til að leggja stjórnvaldssekt á þá sem brjóta gegn ákvæðum laganna, bæði einkaaðila og opinbera aðila. Sektarfjárhæðirnar sem mælt er fyrir um eru með því hæsta sem þekktist í íslenskum lögum, en sektarrámminn er frá 100 þúsund krónum til 2,4 milljarða króna fyrir alvarlegustu brotin. Í þeim tilfellum sem fyrirtæki hefur gerst brotlegt við ákvæði laganna getur sektin numið 4% af árlegri heildarveltu á heimsvísu og því ekki útilokað að sektarfjárhæðin verði hærri en 2,4 milljarðar króna. Í þessu sambandi er rétt að hafa í huga að afar ólíklegt verður að teljast að lögð verði sekt að fjárhæð 2,4 milljarðar króna á íslensk fyrirtæki. Sektarhámarkið tekur mið af því umhverfi sem persónuverndarreglugerð Evrópusambandsins er sett í og að öllum líkindum aðeins stór alþjóðleg fyrirtæki með tugmilljarða króna í veltu sem munu sjá slíkar sektarfjárhæðir. Engu að síður er ljóst að sektir sem lagðar verða á íslensk fyrirtæki geta numið afar háum fjárhæðum og varða lögin því mikilvæga hagsmuni fyrirtækja.

Víða í íslenskum lögum er mælt fyrir um heimild til að leggja á stjórn-

valdssektir. Algennt er að hámark sektarfjárhæðar á lögaðila sé á bilinu 10-50 milljónir króna. Fjármálaeftirlitið hefur þó heimild til að leggja stjórnvaldssekt allt að 800 milljónir króna á eftirlitsskylda lögaðila, þ. á m. fjármálafyrirtæki. Þá er enn fremur rétt að nefna að samkeppnislög heimila Samkeppniseftirlitinu að leggja á sektir sem geta numið allt að 10% af heildarveltu fyrirtækja. Það er því ljóst að fjárhæð stjórnvaldssekta sem mælt er fyrir um í hinum nýju lögum um persónuvernd er langtum hærri en það sem áður hefur þekktist í íslensku lagaumhverfi.

Til þess að spá fyrir um beitingu stjórnvaldssekta samkvæmt nýjum lögum um persónuvernd er áhugavert að skoða framkvæmd á beitingu stjórnvaldssekta í samkeppnisrétti hingað til. Núgildandi samkeppnislög voru sett 2005 og sama ár var Samkeppniseftirlitið sett á stofn. Á rúmlega tíu ára tímabili frá miðju ári 2005 til fyrri hluta árs 2016 sektaði stofnunin 63 fyrirtæki fyrir brot gegn samkeppnislögum og nam samanlögð fjárhæð stjórnvaldssekta í umræddum málum rúmlega 8 milljörðum. Sektir Samkeppniseftirlitsins í einstökum málum hafa jafnframt numið hundruðum milljóna, allt að 650 milljónum króna. Framkvæmd

og beiting stjórnvaldssekta á sviði samkeppnisréttar sýnir glögglega að eftirlitsstofnanir hér á landi veigra sér ekki við að beita þeim valdheimildum sem þær hafa. Það er engin ástæða til að ætla annað en að hið sama muni gilda um Persónuvernd. Á þessu ári hafa fjárhæimildir til Persónuverndar verið auknar verulega í þeim tilgangi að styrkja starfsemi stofnunarinnar til að geta betur sinnt eftirlitshlutverki sínu samkvæmt nýjum lögum. Þá er jafnframt gert ráð fyrir því að fjárhæimildir Persónuverndar muni enn aukast á næstu árum með tilheyrandi fjölgun starfsfólks.

Af framangreindu er ljóst að ný lög um persónuvernd og vinnslu persónuupplýsinga fela í sér stóruauknar valdheimildir Persónuverndar með heimild til að leggja á hæstu sektir sem um getur í íslensku lagaumhverfi. Ekkert bendir til annars en að heimild þessari verði beitt gagnvart brotlegum aðilum. Allir aðilar sem vinna með persónuupplýsingar einstaklinga hafa því gífurlega hagsmuni af því að starfsemi þeirra uppfylli ákvæði laganna. Lögin munu taka gildi 15. júlí næstkomandi og því ekki seinna væna að taka meðferð persónuupplýsinga innan fyrirtækja til gaumgæfilegrar skoðunar út frá ákvæðum hinna nýju laga.

Tekjur af streymi tónlistar jukust um 40% á heimsvísu í fyrra.

en 40 milljónir greiða Apple fyrir streymisþjónustu þeirra, sem sett var á fót árið 2015.

Þrátt fyrir að gríðarlegur vöxtur sé í streymi tónlistar þýðir það ekki endilega að listamennirnir fái meira í sinn vasa. Einhverjir aurar skila sér fyrir hverja spilun en sú upphæð er misjöfn milli dreifingaradila. Þannig eru um 8% tónlistarstreymis á You-

Spotify, Apple og félagi og tekjurnar þar orðnar 80% meiri.

Tekjur af streymi tónlistar jukust um 40% á heimsvísu í fyrra og hafa ríflega þrefaldast frá 2014. Þar er allur vöxturinn og áherslan í dreifingu tónlistar í dag. Snemma varð ljóst að arðsemi af streymi tónlistar yrði óásættanleg ef treysta ætti á auglýsingar og því hefur allt kapp verið lagt á að safna áskrifendum undanfarnar misseri. Spotify er stærsti aðilinn á markaðinum, með um 75 milljónir áskrifenda,

Tube, sem greiðir innan við fimmtung af því sem tónlistarfólk fær frá Spotify. Tidal (í eigu Jay Z) greiðir hins vegar ríflega þrefalt betur en Spotify, en það munar eflaust lítið um það þar sem markaðshlutdeild Tidal er einungis um hálf prósent.

Samhliða vexti í streymi tónlistar og siauknu mikilvægi þess fyrir afkomu tónlistarfólks verður áhugavert að fylgjast með þróun greiðslna fyrir hvert streymi. Hvar mun jafnvægið liggja í áskrifartekjum og greiðslum til listamannanna?

ERUÐ ÞIÐ TILBÚIN FYRIR

*ný persónu-
verndarlög?*



Er þitt fyrirtæki með viðkvæm gögn á pappír? Stafrænt gagnaöryggi er til einskis ef starfsmenn fleygja viðkvæmum gögnum í ruslakörfur og gáma. Nýja evrópska persónuverndarlöggjöfin tók gildi 25. maí sl.

Tilboð á Rexel® tæturum í júní

20%
afsláttur



Pappírstæteri
P3, bútaskurður Auto+ 60X.
Vörunúmer AC2103060

Handfrjáls
39.990
Verð áður 49.990

20%
afsláttur



Pappírstæteri
P4, bútaskurður Auto+ 130X.
Vörunúmer AC2102559EUA

Handfrjáls
63.990
Verð áður 79.990

20%
afsláttur



Pappírstæteri
P4, bútaskurður Auto+ 200X.
Vörunúmer AC2103175EU

Handfrjáls
111.990
Verð áður 139.990



Afsláttur gildir ekki með öðrum tilboðum.

Frí heimsending ef verslað er fyrir 5.900 eða meira á www.a4.is

A4 Kringlunni / A4 Skeifunni / A4 Smáralind / A4 Hafnarfirði / A4 Akureyri / A4 Egilsstöðum / A4 Selfossi
www.a4.is / Þú getur einnig fylgt okkur á [Facebook](https://www.facebook.com/a4fondur) [Pinterest](https://www.pinterest.com/a4fondur) og [Instagram](https://www.instagram.com/a4verslanir)

A4

Stjórnar- maðurinn



@stjornarmadur

Atlaga að einkamiðlum

Birst hafa fréttir undanfarið af framgöngu RÚV á auglýsingamarkaði í aðdraganda HM í knattspyrnu. Fyrir liggja auglýsingabæklingar frá RÚV sem sýna að ríkismiðillinn hefur tengt auglýsingapakka sína vegna HM við aðra dagskrárliði og þannig þvingað auglýsendur til að auglýsa hjá sér fram á haustið eða lengur. Þetta hefur auðvitað þær afleiðingar að það fé sem auglýsendur hafa tekið frá til markaðsmála fer óskipt til RÚV og dreifist ekki yfir á aðra miðla. Forsvarsmenn smærri miðla bera sig illa undan málinu enda er ríkismiðillinn með háttarni sínu að ráðast gróflega gegn lífsviðurværi þeirra sem í hlut eiga. Fyrir liggur að sumarmánuðirnir verða flestum miðlum jafnvel þyngri en vanalega.

Þetta hlýtur að vera kornið sem fyllir mælinn hjá Lilju Alfreðsdóttur menntamálaráðherra sem hefur málefni RÚV á sinni könnu. Ágætar tillögur nefndar um fjölmiðlamál undir stjórn Björgvins Guðmundssonar sitja þrátt fyrir það enn læstar ofan í skúffu. Tilvist RÚV er ein og sér tilefni til bollalegginga. Flestir eru þó á því að stofnunin eigi sér tilverur, og er Stjórnarmadurinn þar meðtalinn. Löngu er hins vegar tímabært að stofnunin dragi sig í hlé af auglýsingamarkaði. Ekki bara minnkar kakan sem einkamiðlarnir hafa úr að spila þar, heldur fær RÚV einnig hvata til að kaupa dagskrárefni sem hugnast auglýsendum í samkeppni við einkastöðvarnar. Það er ástæðan fyrir því að RÚV sýnir efni sem ekki á heima á ríkismiðlum, og veldur auðvitað verðbólgu í innkaupum á sjónvarpsefni. Einkamiðlarnir tapa því hvernig sem málinu er snúið.

Opinberir aðilar eins og Fjölmiðlanefnd og Samkeppniseftirlitið hafa margsinnis lýst því yfir að einkamiðlarnir eigi undir högg að sækja gagnvart RÚV. Fjölmiðlanefnd hefur meira að segja lagt til að hér verði tekið upp kerfi að norski fyrirmynd þar sem einkamiðlar geta sótt framlög í ríkissjóð. Menntamálaráðherra hefur látið málaflökinn algerlega afskiptan, þrátt fyrir fyrirheit um annað.

Framferði RÚV nú í sumar er atlaga að frjálsri fjölmiðlun í landinu. Stjórnvöld þurfa að gera það upp við sig hvort þau telji nauðsynlegt að hér starfi öflugir einkareknir fjölmiðlar. Sú ákvörðun þolir enga bið.



Þorsteinn ráðinn framkvæmdastjóri Allianz



Þorsteinn Egilsson

Þorsteinn Egilsson, svæðisstjóri Icelandair fyrir Norður-Ameríku, hefur verið ráðinn framkvæmdastjóri Allianz á Íslandi, samkvæmt heimildum Markaðarins. Tekur hann við starfinu af Eyjólfí Lárussyni en tilkynnt var fyrr á árinu að hann myndi láta af stjórn hjá félaginu á vormánuðum.

Þorsteinn, sem er véla- og iðnverkfræðingur að mennt, hefur gegnt starfi svæðisstjóra Icelandair fyrir Norður-Ameríku frá árinu

2008 en þar áður var hann forstöðumaður leiðarkerfisstjórnunar flugfélagsins.

Allianz hóf starfsemi á Íslandi árið 1994 og býður upp á lífeyrstryggingar auk líf- og sjúkdómategygginga. Félagið er að fullu í eigu Hrings, dótturfélags Íslandsbanka, og á árinu 2016 nam hagnaður þess eftir skatta rúmlega 480 milljónum króna. Tekjur Allianz á Íslandi voru um 1.200 milljónir og voru nánast óbreyttar frá árinu 2015. – hae

15.06.2018



„Nei, ég er ekki mjög vinsæll og væri að gera eitthvað annað ef ég hefði áhyggjur af því.“

Páll Gunnar Pálsson, forstjóri Samkeppniseftirlitsins

MUNDU EFTIR GÖMLU GÓÐU
AFMÆLISKRINGLUNNI
- fyrir 25-30 manns

PRENTUNIS



www.bjornsbakari.is

mánudaga-föstudaga 7.30 - 17.30
laugardaga 8.00 - 16.00
sunnudaga 9.00 - 16.00

Austurströnd 14 • Hringbraut 35
Fálkagata 18